

濟寧直隸州志

第 齒 本

卷二十三

人物一

計三十八頁

卷二十四

人物二

計四十三頁

濟寧直隸州志卷二十三

人物一

志猶史也而微有別史之義主於懲惡而勸善志則善善之意居多凡仕宦有一長可取皆可爲之立傳惟平平無奇不過官爵之榮耀亦不能槩爲之傳也自周迄今得若干人餘則爲之類傳其舊志所無而補立者儒林是也舊志分而今并者孝義是也凡六卷固依時代爲差而屬邑之人不以先州各以時代而附於州之後焉

濟寧直隸州志

卷二十三

人物

一

周

季任任君之弟爲任處守見孟子

舊志

任人爲屋廬子問答語見孟子

漢

周仁其先任城人也以醫見景帝帝太子時爲舍人積功遷至大中大夫景帝初立拜仁爲郎中令仁爲人陰重不泄常衣敝補衣溺褲故不爲潔清以是得幸入臥內於後宮秘戲仁常在旁終無所言上時問人仁曰上自察之然亦無所毀如此景帝再幸其家家徙陽陵上所賜甚多然終讓不敢

爰也諸侯羣臣賂遺竟無所受武帝立爲先帝臣
重之仁乃病免以二千石祿歸老子孫咸至大官

漢書
本傳

鄭均字仲虞東平任城人少好黃老書兄爲縣吏
頗受禮遺均數諫止不聽卽脫身爲傭歲餘得錢
帛歸以與兄曰物盡可復得爲吏坐贓終身捐棄
兄感其言遂爲廉潔均好義篤實養寡嫂孤兒恩
禮敦至嘗稱疾不應州郡辟召郡將必欲致之使
縣令譎言將詣門旣至卒不能屈均於是客於濮
陽建初三年司徒鮑昱辟之後舉直言並不詣六

年公車特徵再遷尙書數納忠言肅宗敬重之後
以病乞骸骨拜議郎告歸因稱病篤帝賜衣冠元
和元年詔告東平相曰議郎鄭均束修安貧恭儉
節整前在機密以病致仕守善貞固黃髮不怠書
不云乎彰厥有常吉哉其賜均穀千斛常以八月
長吏存問羊酒顯茲異行明年帝東巡過賜任城
幸均舍敕賜尙書祿以終其身人號爲曰衣尙書
永元中卒於家均子英均之告歸也遣 奉章詣
闕詔召見英問均所苦賜以冠幘錢帛
漢書 參
觀記
王龔字宗伯山陽高平人初舉孝廉稍遷青州刺

史劾奏貪濁二千石數人安帝嘉之徵拜尚書建
光元年擢司隸校尉尋遷汝南太守政崇溫和引
進郡人黃憲陳蕃等後進知名之士莫不歸心焉
永和元年拜太尉在位恭慎自非公事不通州郡
書記其所辟命皆海內長者在位五年以老病乞
歸卒於家後漢書本傳 張璠漢紀山陽太守薛
勤喪妻不哭將殯臨之曰幸不爲天復
何恨哉及王龔妻卒龔與諸
子並杖行服時人或兩譏焉

王暢字叔茂太尉龔子舉孝廉四遷尚書令出爲
齊相徵拜司隸校尉轉漁陽太守所在以嚴明稱
坐事免官太尉陳蕃荐暢清公方正由是復爲尚

書尋拜南陽太守奮厲威猛豪右震懾功曹張敞
奏記以爲懇懇用刑不如用恩孳孳求姦未若禮
賢暢深納之更崇寬政教化大行復徵爲長樂衛
尉建安元年遷司空數月以水災策免明年卒于
家子謙爲大將軍何進長史謙子燦以文才知名
范式字巨卿山陽金鄉人少遊太學與汝南張邵
爲友並告歸式謂邵曰後二年當過拜尊親乃共
尅期日至期邵白母請設饌以候之母曰數年之
別千里結言爾何相信之審耶對曰巨卿信士必
不乖違式果如期至後式仕郡功曹而邵寢疾臨

盡嘆曰恨不見吾死友尋卒式夢邵來訣別卽告
太守馳往赴之未到喪已發引旣至壙柩不肯進
其母撫之曰元伯豈有望耶移時乃見有素車白
馬號哭而來母望之曰必巨卿也旣至執紼引柩
柩乃前遂留至冢次爲修墳樹然後去長沙陳平
子亦在太學與式未相見而被病將亡謂其妻曰
吾聞山陽范巨卿烈士也可以死乃製素爲書
以遺式令其妻往見之式省書愴然悲泣遂營護
其喪歸長沙未至前五里許乃委素書于柩上哭
別而去長沙計吏上書表式行狀三府並辟不應

舉州茂才四遷荊州刺史友人南陽孔嵩以家貧
親老變名爲新野街卒充導騎迎式式見而
識之把臂語平生甚歡勅縣代嵩嵩以爲先傭未
竟不肯去式後遷廬江太守有威名後卒于官
張儉字元節山陽高平人趙王張耳之後也父成
江夏太守儉初舉茂才以刺史非其人謝病不起
延熹八年太守翟超請爲東部督郵時中常侍侯
覽家在防東殘暴百姓所爲不軌儉舉劾覽及其
母罪惡請誅之覽遏絕章表並不得通由是結仇
覽等鄉人朱並素性佞邪爲儉所棄並懷怨恚遂

上書告儉與同郡二十四人爲黨於是刊章討捕
儉亡命困迫遁走望門投止莫不重其名行破家
相容復流轉東萊止李篤家外黃令毛欽操兵到
門篤引欽謂曰張儉知名天下而亡非其罪也縱
儉可得寧忍執之乎欽因起撫篤曰蘧伯玉耻獨
爲君子足下如何自專仁義篤曰篤雖好義明廷
今日載其半矣欽嘆息而去篤因緣送儉出塞以
故得免其所經歷伏重誅者以十數宗親並殄滅
郡縣爲之殘破中平元年黨事解乃還鄉里大將
軍三公並辟又舉敦朴公車特徵起家拜少府皆

不就獻帝初百姓饑荒而儉資計差温乃傾竭財
產於邑中共之賴其存者以百數建安初徵爲衛
尉不得已而起見曹氏世德已萌乃闔門懸車不
預政事歲餘卒于許下年八十四

仲長統字公理山陽高平人博涉書記瞻于文辭
遊學青徐并冀間每州郡命召輒稱疾不就常以
爲名不常存人生易滅優遊偃仰可以自娛欲卜
居清曠以樂其志因作樂志論荀彧聞而竒之舉
爲尚書郎每論說古今及時俗行事恒發憤嘆息
遂著論名昌言凡三十四篇

魯峻字仲嚴昌邑人祖某監營謁者父某修武令
峻治魯詩兼顏氏春舉廉除郎中謁者初爲
河內太守丞丁父憂司徒府侍御史初爲頓邱
令視事四年有政聲九江太守以公事去官以
司空王暢舉徵拜議郎太尉長史御史中丞延熹
七年拜司隸校尉以母喪自乞拜議郎服竟還拜
長騎校尉以病辭官年六十一熹平元年四月卒
門生私諡忠惠碑據

按縣志選舉誤以峻爲前漢人

劉表字景升山陽高平人魯恭王後與同郡張儉

等號爲八顧初平中爲荊州刺史襲破宗賊江南
悉平因遣使奉貢以表爲鎮南將軍領荊州牧封
武成侯表假節以爲已援于是威懷兼洽萬里肅
清愛民養士從容自保文博求儒術關西兗豫學
士歸者以千數及曹操與袁紹相持于官渡紹遣
人求助表許之不至亦不援曹操後自將征表未
至而表卒

度尚字博平山陽湖陸人少喪父事母至孝通京
氏易古文尚書有文武才畧除上虞長遷文安令
時疾疫穀貴人饑尚開倉賑給冀州刺史朱穆行

部見而竒之延熹五年桂陽蒼梧諸部寇亂穆舉
尚擢爲荊州刺史尚躬率士卒進擊大破賊降者
數萬人而賊帥卜陽潘鴻等徙入山谷尚躬追數
百里鼓厲士卒遂大破平之以功封右鄉侯遷桂
陽太守明年徵還京師時荊州兵朱蓋等復作亂
於是以尚爲中郎將討擊大破之詔賜錢百萬出
爲遼東太守數月鮮卑率兵攻尚與戰破之後卒
於官黨禁名在八厨

後漢書參
漁臺志

三國魏

呂虔字子恪任城人魏太祖在兗州聞虔有膽策

濟寧直隸州志

卷二十三

人物

七

以爲從事將兵守湖陸襄陵校尉家杜公部民
母等作亂與豨昌通太祖以虔代松虔到招誘
母渠率及同惡數十人賜酒食簡壯士伏其側
察其母等皆醉使伏兵盡格殺之撫其餘羣賊
乃平太祖以虔領泰山太守郡接山海世亂人
民多藏竄袁紹所置中郎將郭祖公孫犢等數
十輩保山爲寇百姓苦之虔將家兵到郡開恩
信祖等皆降諸山中亡匿者盡出安土業簡其
彊者補戰士泰山由是遂有精兵尅名州郡濟
南黃巾徐和等所在劫長吏攻城邑虔引兵與
夏侯淵會擊之前

後數十戰斬首獲生數千人太祖使督青州諸郡兵以討東萊李條等有功太祖令曰夫有其志必成其事蓋烈士之所徇也卿在郡以來擒姦討暴百姓獲安躬蹈矢石所征輒克昔寇恂立名干汝潁耿弇建策於青兗古今一也舉茂才加騎都尉典郡如故虔在泰山十數年甚有威惠文帝卽王位加裨將軍封益壽亭侯遷徐州刺史加威虜將軍請瑯琊王祥爲別駕民事一以委之世多其能任賢討利城叛賊斬獲有功明帝卽位徙封萬年亭侯增邑二百並前六百戶虔薨子翻嗣翻薨子

濟寧直隸州志

卷二十三

人物

八

桂嗣

三國志本傳

棧潛字彥皇任城人魏太祖世歷縣令嘗督守鄴城時文帝爲太子耽樂田獵晨出夜還潛諫曰王公設險以固其國都城禁衛用戒不虞大雅云宗子維城無俾城壞又曰猶之未遠是用大諫若逸於遊田晨出昏歸以一日從禽之娛而忘無垠之釁愚竊惑之太子不悅然自後遊出差簡黃初中文帝將立郭貴嬪爲皇后潛爲郎中上疏諫帝不從明帝時衆役並興戚屬䟽斥潛上疏曰天生蒸民而樹之君所以覆燾羣生熙育兆庶故方制四

海匪爲天子裂土分疆匪爲諸侯也始自三皇爰暨唐虞咸以博濟加於天下醇德以洽黎元賴之三王旣微降逮於漢治日益少喪亂宏多自時厥後亦罔克乂太祖濬哲神武芟除暴亂克復王綱以開帝業文帝受天明命廓恢皇基踐祚七載每事未遑陛下聖德纂承洪緒宜崇晏安與民休息而方隅匪寧征夫遠戍有事海外懸旌萬里六軍騷動水陸轉運百姓舍業日費千金大興殿舍功作萬計徂徠之松刊山窮谷怪石瓠瓠浮於河淮都圻之內盡爲甸服當供稟秸銓粟之調而爲苑

囿擇禽之府盛林莽之穢豐鹿兔之藪傷害農功地繁茨棘災疫流行民物大潰上減和氣嘉禾不植臣聞文王作豐經始勿亟百姓子來不日而成靈沼靈囿與民共之今宮觀崇侈彫鏤極妙忘有虞之總期思殷辛之瓊室禁地千里舉足投網麗擬阿房役百乾谿臣恐民力彫盡下不堪命也昔秦據殽函以制六合自以德高三皇功兼五帝欲號諡至萬葉而二世顛覆願爲黔首由枝幹旣杌本實先拔也蓋聖王之御世也克明峻德庸勲親親俊乂在官則功業可隆親親顯用則安危同憂

深根固本並爲幹翼雖歷盛衰內外有輔昔成王
幼冲未能蒞政周呂召畢並在左右今旣無衛侯
康叔之監分陝所任又非旦奭東宮未建天下無
副願陛下留心關塞永保無極則海內幸甚後爲
燕中尉辭疾不就卒據三國志高堂隆傳
伊籍字機伯山陽人少依劉表先主在荊州籍常
往來自託表卒遂隨先主渡江從入益州益州旣
定以籍爲左將軍從事中郎嘗使吳孫權聞其才
辨欲折以辭籍語機捷竟不能折權甚異之後遷

昭文將軍

蜀志

濟寧直隸州志

卷二十三

人物

十

涼茂字伯方山陽昌邑人少好學論議常據經典
以處是非曹操辟爲司空掾補侍御史時泰山多
盜以茂爲太守旬月之間襁負而至者千餘家轉
爲樂浪太守公孫度在遼東擅留茂不遣之官茂
終不爲屈後徵還爲魏郡太守甘陵相所在有績

魏國初建遷尙書僕射後爲中尉奉常

魏志

郗慮字鴻豫山陽高平人少受業於鄭元建安初
爲侍中從光祿勳遷爲御史大夫十八年帝使慮
持節策曹操爲魏國公慮常與少府孔融同見帝
帝問融曰鴻豫何所優長融曰可與適道未可與

權慮舉笏曰融昔宰北海政散民流其權安在

慮融互相長短操以書和斛之

魏志注

滿寵字伯寧山陽昌邑人年十八爲郡督郵曹操辟爲從事遷汝南太守蜀將攻樊城寵力戰有功封安昌亭侯尋拜伏波將軍孫權圍合肥寵伏兵擊破之又破權軍於新城景初二年遷太尉寵不治產業家無餘貲詔賜帛及錢穀以表清節卒諡

景侯

魏志

單固字恭夏山陽人爲人有實正始中兗州刺史令狐愚與固父伯龍善辟固爲吏曰固不欲耳

濟寧直隸州志

卷二十三

人物

十一

不獲已往後愚與王凌謀司馬太傅楊康露其事固與愚皆遇害固母夏侯氏曰汝爲人吏自當爾

也

魏志

晉

魏舒字陽元任城樊人也少孤爲外家甯氏所養甯氏起宅相宅者云當出貴甥外祖母以魏氏甥小而慧意謂應之舒曰當爲外氏成此宅相久乃別居身長八尺二寸姿望秀偉飲酒石餘而遲鈍質樸不爲鄉親所重從叔父吏部郎衡有名當世亦不之知使守水碓每嘆曰舒堪數百戶長我願

畢矣舒亦不以介意不修常人之節不爲皎厲之事每欲容才長物終不顯人之短性好騎射著韋衣入山澤以漁獵爲事唯太原王又謂舒曰卿終當爲臺輔然今未能令妻子免饑寒吾當助卿營之常振其匱乏舒受而不辭舒嘗詣野王主人妻夜產俄而聞車馬之聲相問曰男也女也曰男書之十五以兵死復問寢者爲誰曰魏公舒後十五載詣主人問所生兒何在因條桑爲斧傷而舒自知當爲公矣年四十餘郡上計掾察孝廉宗黨以舒無學業勸令不就可以爲高耳舒曰若試而不

中其負在我安可虛竊不就之高以爲已榮乎於是自課百日習一經因而對策升第除澠池長遷浚儀令人爲尚書郎時欲沙汰郎官非其才者罷之舒曰吾卽其人也襍被而出同寮素無清論者咸有愧色談者稱之累遷後將軍鍾毓長史毓每與叅佐射舒常爲畫籌而已後遇朋不足以舒滿數毓初不知其善射舒容範閑雅法無不中舉坐愕然莫有敵者毓謝而嘆曰吾之不足以盡卿才有如此射矣豈一事哉轉相國叅軍封劇陽子府朝碎務未嘗見是非至於廢興大事衆人莫能斷

者舒徐爲籌之多出衆議之表文帝深器重之每朝會坐罷目送之曰魏舒堂堂人之領袖也遷宜陽滎陽二郡太守甚有聲稱徵拜散騎常侍出爲冀州刺史在州三年以簡惠稱入爲侍中武帝以舒清素特賜絹百疋遷尚書以公事當免官詔以贖論舒三娶妻皆亡是歲自表乞假還本郡葬妻詔賜葬地一頃錢五十萬太康初拜右僕射舒與衛瓘山濤張華等以六合混一宜用古典封禪東嶽前後累陳其事帝謙讓不許以舒爲左僕射領吏部上言今選六宮聘以玉帛而舊使御府丞奉

聘宣成嘉禮贄重使輕以爲拜三夫人宜使卿九嬪使五官中郎將美人良人使謁者於典制爲宜有詔詳之衆議異同遂寢加右光祿大夫儀同三司及山濤薨以舒領司徒有頃卽眞舒有威重德望祿賜散之九族家無餘財陳留周震累爲諸府所辟辟書旣下公輒喪亡僉號震爲殺公掾莫有辟者舒乃命之而竟無患識者以此稱其達命以年老每稱疾遜位中復暫起署兗州中正尋又稱疾尚書左丞郤詵與舒書曰公久疾小差視事是也唯上所念何意起訖還卧曲身迴法甚失具瞻

之望公少立巍巍一旦棄之可不惜哉舒稱疾如初後以災異遜帝不聽後因正旦朝罷位還第表送章綬帝手詔敦勉而舒執意彌固乃下詔曰司徒劇陽子舒體道宏粹思量經遠忠肅居正在公盡規入管銓衡官人允叙出贊充職敷宏五教惠訓播流德聲茂著可謂朝之俊又者也而屢執冲讓辭旨懇誠申鑒反覆省用憮然蓋成人之美先典所與難違至情今聽其所執以劇陽子就第位同三司祿賜如前几杖不朝賜錢百萬床帳篋褥百副以舍人四人爲劇陽子舍人置官騎十人使

光祿勳奉策主者詳案典禮今皆如舊制於是賜安車駟馬門施行馬舒爲事必先行而後言遜位之際莫有知者時論以爲晉興以來三公能辭榮祿終者未之有也司空衛瓘與舒書曰每與足下共論此事日日未果可謂瞻之在前忽焉在後矣太熙元年薨時年八十二帝甚傷悼贈賻優厚諡曰康子混字延廣清惠有才行爲太子舍人年二十七先舒卒朝野咸爲舒悲惜舒每哀慟退而歎曰吾不及莊生遠矣豈以無益自損乎於是終服不復哭詔曰舒惟一子薄命短折舒告老之年處

犛獨之苦每念怛然爲之嗟悼思所以散愁養氣
可更增滋味品物仍給賜陽燧四望縹窻戶皂輪
車牛一乘度出入觀望或足散憂也以庶孫融嗣
又早卒從孫晃嗣

晉書
本傳

魏詠之字長道任城人也家世貧素而躬畊爲事
好學不倦生而免缺有善相者謂之曰卿當富貴
年十八聞荊州刺史殷仲康帳下有名醫能療之
貧無行裝謂家人曰殘醜如此用活何爲遂齎數
斛米西上以投仲堪幾至造門自通仲堪與語嘉
其盛意召醫視之醫曰可割而補之但須百日進

粥不得笑語詠之曰半生不語而有半生亦當療
之况百日耶仲堪於是處之別屋令醫善療之詠
之遂閉口不語唯食薄粥其厲志如此及差仲堪
厚資遣之初爲州主簿常見桓元旣出元鄙其精
神不儁謂坐客曰庸神而宅偉幹不成令噐竟不
調而遣之詠之早與劉裕遊款及元篡位協贊義
謀元敗授建威將軍豫州刺史桓歆寇歷陽詠之
率衆擊走之義熙初進征虜將軍吳國內使尋轉
荊州刺史持節都督六州領南蠻校尉詠之初在
布衣不以貧賤爲耻及居顯位亦不以富貴驕人

始爲仲堪之客未幾竟踐其位論者稱之尋卒於官詔曰魏詠之器宇宏邵識局貞隱同獎之誠實銘王府敷績之效垂惠在人奄致隕喪惻愴於心可贈太常加散騎常侍其後錄其贊義之功追封江陵縣公食邑二千五百戶諡曰桓弟順之至瑯

琊內史

晉書本傳

虞溥字允源高平昌邑人也父祕爲偏將軍鎮隴西溥從父之官專心墳籍時疆場閱武人爭視之溥未嘗寓目郡察孝廉除郎中補尚書都令史尚書令衛瓘尚書褚擘並器重之溥謂瓘曰往者金

馬啟符大晉應天宜復先王五帝之制以綏久長不可承暴秦之注逐漢魏之失也瓘曰歷代歎此而終未能改稍遷公車司馬令除鄱陽內使大修庠序廣招學徒移告屬縣曰學所以定情理性而積衆善者也情定於內而行於外善積於心而名顯於教故中人之性隨教而移善積則習與性成唐虞之時皆比屋而可封及其廢也而云可誅豈非化以成俗教移人心者哉自漢氏失御天下分崩江表寇隔久廢王教庠序之訓廢而莫修今四海一統萬里同軌熙熙兆庶咸休息乎太和之中

宜崇尚道素廣開學業以讚協時雍光揚盛化乃具爲條制于是至者七百餘人溥乃作誥以獎訓之曰文學諸生皆冠帶之流年盛志美始涉學庭講修典訓此大成之業立德之基也夫聖人之道淡而寡味故始學者不好也及至期月所觀彌博所習彌多日聞所不聞日見所不見然後心開意朗敬業樂羣忽然不覺大化之陶已至道之入神也故學之染人甚子丹青丹青吾見其久而渝矣未見久學而渝者也夫工人之染先修其質後事其色質修色積而染工畢矣學亦有質孝弟忠信

是也君子內正其心外正其行行有餘力則以學文文質彬彬然後爲德夫學者不患才不及而患志不立故曰希驥之馬亦驥之乘希顏之徒亦顏之倫也又口剗而舍之朽木不知剗而不舍金石可虧斯非其效乎今諸生口誦聖人之典體閑庠序之訓比及三年可以小成而令名宣流雅譽日新朋友欽而樂之朝士敬而嘆之於是州府交命擇官而仕不亦美乎若乃含章舒藻揮翰流離稱述世務探蹟究竒使楊班韜筆仲舒結舌亦惟才所居固無常人也然積一勺以成江河累微塵以

崇峻極匪志匪勤理無由濟也諸生若絕人間之
務心專親學累一以貫之積漸以進之則亦或遲
或速或先或後耳何滯而不通何遠而不至邪時
祭酒求更起屋行禮溥曰君子行禮無常處也故
孔射于矍相之圃而行禮于大樹之下況今學庭
庠序高堂顯敞乎溥爲政嚴而不猛風化大行有
白鳥集于郡庭註春秋經傳撰江表傳及文章詩
賦數十篇卒于洛時年六十二子勃過江上酒表
傳于元帝詔藏于秘書

晉書勃
一作

王宏字正崇高平人魏侍中王粲之從孫魏時辟

公府累遷尚書郎歷給事中泰始初爲汲郡太守
撫百姓如家人耕桑樹藝室宇阡陌莫不躬自教
示在郡有殊績司隸校尉石鑿上其政術武帝下
詔稱之賜穀千斛布告天下咸使聞知太康中爲
司隸校尉坐事免官復起爲尚書卒贈太常

晉書
下全

郗隆字宏始高平金鄉人由尚書郎轉左丞以直
亮爲百僚所憚後爲揚州刺史僚屬有犯輒以臺

閣峻制繩之尋加寧東將軍

郗鑒字道徽高平金鄉人博覽經籍躬耕隴畝以
儒雅著名趙王倫辟爲掾知倫有不臣之迹稱疾

去職惠帝反正叅司空軍事累遷中書侍郎及京師不守鑿歸鄉里率千餘家避難於魯之嶧山元帝初鎮江左承制假鑿龍驤將軍死州刺史鎮鄒山永昌初徵拜領軍將軍明帝卽位懼王敦之逼倚鑿爲外援拜安西將軍與帝謀討敦帝崩與王導等並授遺詔輔少主進拜車騎大將軍開府儀同三司及祖約蘓峻反鑿流涕誓師三軍爭爲用命賊平拜司空加侍中更封南昌縣公進位太尉卒諡文成二子愔曇

郗愔字方回鑿長子性至孝襲爵南昌公徵拜中

書侍郎尋以疾去職後徵爲光祿大夫固讓不拜求補遠郡出爲輔國將軍久之乞歸徵拜司空不起卒諡文穆子超爲桓温參軍

郗曇字重熙鑿次子少賜爵東安縣開國伯司徒王導辟秘書郎朝論以曇名臣之子每逼以憲制年三十始拜通直散騎侍郎遷中書侍郎簡文帝爲撫軍引爲司馬尋除尚書吏部郎拜御史中丞時北中郎將荀羨有疾朝廷以雲爲羨軍司加散騎常侍頃之羨徵還仍除北中郎將都督徐兗青幽揚州之晉陵諸軍事領徐兗二州刺史假節鎮下

邳後與賊帥傅末汲等戰失利降號建威將軍尋卒年四十二追贈北中邱將諡曰簡子恢嗣

郗恢字道尹曇之子也少襲父爵累遷給事黃門侍郎領太子右衛率孝武帝深器之以爲有藩伯之品望擢建威將軍雍州刺史假節鎮襄陽甚得關隴之心降服者動以千計後以功進征寇將軍兼領秦州刺史尋爲尙書卒贈鎮軍將軍

南朝宋

檀祗字泰叔高平金鄉人少爲輔國參軍征孫恩屢有戰功復從高祖討桓元每戰克捷封西昌縣

濟寧直隸州志

卷二十三

人物

二十

侯督江北淮南軍事亡命司馬國璠兄弟聚衆數百過淮乘夜緣廣陵城入祗曰賊暗入欲掩我不備但打五鼓懼曉必走矣賊聞鼓鳴謂天曉于是奔散追討殺賊百餘人宋國初建詔爲領軍將軍

卒諡威侯

宋書
下全

檀道濟高平金鄉人從宋武帝叅建武軍事以建義勲封吳縣五等侯前後多戰功歷加冠軍將軍義熙十二年武帝北伐以道濟爲前鋒出肥所至降服拔城破壘俘四千餘人皆釋遣人心感悅長安旣平爲瑯琊內史元嘉中封武陵郡公進位

司空還鎮尋陽道濟立功前朝威名甚重左右腹
心並經百戰諸子又有才氣朝廷疑懼召赴廷尉
與其子植俱見殺

北周

魏元字僧志任城人也六世祖休仕晉爲魯郡守
永嘉南遷遂居江左父承祖魏景明中自梁歸魏
家於新安元少慷慨有膽 普泰中除奉朝請頻
從軍與梁人交戰永安初以功授征虜將軍中散
大夫及魏孝武西遷東魏北徙人情騷動各懷去
就元遂率募鄉曲立義於關南卽從韋法保與東

魏司徒高敖曹戰於關口及獨孤信入洛陽隸行
臺楊琚防馬渚復與高敖曹接戰自是每率鄉兵
抗拒東魏前後十餘戰皆有功邙山之役大軍不
利宜陽洛州皆爲東魏守崱東立義者咸懷異望
而元母及弟皆在宜陽元以爲忠孝不兩立乃率
義徒還關南鎮撫太祖手書勞之除洛陽令封廣
宗縣子邑四百戶十三年與開府李義孫攻拔伏
流城又尅孔城卽與義孫鎮之尋移鎮伏流十四
年授帥都督東平郡守轉河南郡守加大都督十
六年洛安民雍方雋據郡外叛率步卒一千自號

行臺攻破郡縣囚執守令元率宏農九曲孔城伏
流四城士馬討平之魏恭帝二年拜車騎大將軍
儀同三司孝閔帝踐祚進爵爲伯增邑通前九百
戶保定元年移鎮蠻谷四年進位驃騎大將軍開
府儀同三司徙鎮閩韓仍從尉遲迴圍洛陽天和
元年陝西總管尉遲綱遣元率儀同宇文能趙乾
等步騎五百于鹿盧交南邀擊東魏洛州刺史獨
孤永業永業有衆二萬餘人元輕將五騎行前覘
之卒與之遇便卽交戰殺獲數十人獲馬並甲稍
等永業遂退二年進爵爲侯除白超防主三年遷

濟寧直隸州志

卷二十三

人物

二十二

熊州刺史政存簡惠百姓悅之四年轉和州刺史
伏流防主進爵爲公五年齊將斛律明月率衆向
宜陽兵威甚盛元率兵禦之每戰輒克後以疾卒

於位

周書
本傳

李崇字永隆高平人英果有謀起家州王簿辭不
就求爲將兵都督隨宇文護伐齊屢以功勳封宗
縣公尋爲懷州刺史進爵郡公

田宏高平人勇敢有謀畧歸周太祖深加引納進
爵爲公徙復宏農沙苑解洛陽圍破河橋陣宏功
居多賜姓紇干氏尋授原州刺史官至柱國大將

軍北
史

唐

伊慎字寡悔兗州人通春秋戰國策天官五行書用善射爲折衝都尉喪母將合葬而不知父墓晝夜哭夢若有導者旣發之舊志可按也乃得葬江西路嗣恭討哥舒晃以慎爲先鋒疾戰破賊斬首三千級下韶州戰把江口水湍駛乃爲桴實薪焉乘風縱火賊焚且溺不可計與諸將追斬晃泔溪授連州長史知團練副使三遷江州別駕討梁崇義也慎以江西牙兵屬李希烈希烈署漢南北兵

濟寧直隸州志

卷二十三

人物

二十三

馬使不受獨率所部破崇義於蠻水獻俘三萬襄漢平功多希烈其才數餽遺欲縻止之卒以計免明年希烈果反嗣曹王臯至鍾陵得而壯之拔爲大將希烈恐爲臯所任遣以七屬甲詐爲慎書行反間帝遣使卽軍中斬之臯表列其誣未報賊泝江徇地臯授慎兵勞而遣之與賊大戰破之收黃梅次長平殺賊將斬級千餘拔蔡山尤力遂下蘄州卽拜刺史封南充郡王天子在梁州包佶轉東南財糧次蘄口賊遣驍將杜少誠以兵萬人遏江道不得西慎選士七千列三屯相望偃旗以待

少誠分圍之未合慎自中屯鼓之諸屯悉出奮擊賊亂少誠走斬別將許少華封其尸爲京冢漕無留難進圍安州希烈之甥劉戒虛以兵八千來援慎逆擊於應山擒之示城下州開門降以功爲安州刺史實封百戶攻隨州戰厲鄉斬首五千級喻降李惠登卽荐惠登爲刺史拜慎安黃州節度使吳少誠反詔領步騎五千兼統荆南湖南江西兵當一面遇賊於三州港營義陽戰於申斬首數千加檢校刑部尙書貞元末詔安黃爲奉義軍卽爲奉義節度憲宗卽位以兵付其子宥身入朝拜尙

書右僕射改金吾衛大將軍以錢三十萬賂宦人求帥河中事暴帝没其半贓貶右衛將軍明年念舊勞復檢校右僕射兼右衛上將軍卒贈太子太

保謚曰壯繆

新唐書本傳有傳姑仍之

按此舊志或非任城人

郗純字高鄉金鄉人舉進士拔萃制策皆高第自拾遺七遷至中書舍人爲宰相元載所忌時魚朝思以牙將李琮署兩街功德使琮恃勢桀橫衆辱京兆尹崔昭于禁中純曰此國耻也卽詣載請速其罪載不納遂辭疾還東都號伊川田父十年不出德宗立召爲太子左庶子集賢殿學士不拜以

老乞身改詹事聽致仕帝召見褒歎良久賜金紫

公卿以下咸祖都門世高其節

唐書
下全

郗士美字和夫純之子年十二通五經史記漢書皆能成誦未冠爲陽翟丞佐李抱真潞州幕府進房州刺史黔中經畧觀察使溪州賊向子珙以衆八千岨山剽劫士美討平之加檢校右散騎常侍封高平郡公遷京兆尹天子多所咨逮出爲鄂岳觀察使改河南尹檢校工部尚書充昭義節度使討王承宗也遣大將王獻督萬人爲前鋒獻恣橫逗撓士美卽斬以徇下令曰敢後者斬親鼓之大

破賊下三營環栢鄉時諸鎮兵合十餘萬繞賊多玩寇犯法獨士美兵銳整最先有功以疾召拜工部尚書後檢校刑部尚書爲忠武節度使卒年六十四贈尚書左僕射諡曰景

宋

翟守素濟州任城人父溥晉左司禦率府率守素以父任爲殿直歷漢周遷供奉官領承天使乾德中爲引進副使從王全斌伐蜀以往來馳告軍事爲職蜀平擢判四方館以兩川餘寇未殄慮致騷動再令守素入蜀經畧諸郡分兵以防遏之開寶

中會麟府內屬戎人爭地不決因致擾亂命守素馳往撫諭守素辨其曲直戎人悅服從征太原命海州刺史孫方進圍汾州守素監其軍轉引進使開寶三年命爲劍南十州都巡檢使東上閤門使郭崇信副之賜守素錢五百萬入謝日復遣爲岐帥符彥卿官告使守素辭以錫賚優厚不敢更當奉使之詔上不許九年吳越國王錢俶來朝命守素護諸司供帳迎勞郊外并壘未下詔與洺州防率兵深入其境蹈藉禾稼守素多所虜

獲太宗卽位遷客省使領憲州刺史太平興國三

年夏河決滎陽詔守素發鄭之丁夫千五百人與卒千人領護塞之是秋梅山洞蠻恃險叛命詔遣守素率諸州屯兵往擊之值霖雨彌旬弓弩解弛不堪用明日將接戰守素一夕命削木爲弩及旦賊奄至交射之賊遂敗乘勝逐北盡平其巢穴先是數郡大吏富人多與賊帥包漢陽交通旣而得其書訊數百封守素並焚之反側以定俄而錢俶獻浙右之地詔守素爲兩浙諸州兵馬都監安撫諸郡人心悅服卽以知杭州歲滿爲西京巡檢使秦王廷美以事勒歸私第以守素權知河南府兼

留守司事屬洛陽歲旱艱食多盜上憂之守素既至漸以寧息未幾遷商州團練使雍熙二年改知延州自劉廷讓敗於君子館河朔諸州城壘多圯四年詔守素與田仁朗王繼恩郭延濟分路按行發諸州鎮兵增築護其役賜白金三千兩留充天雄軍兵馬鈐轄知大名府改知潞州會建方田命爲代北方田都部署并州兵馬鈐轄從屯夏州改知鳳翔府淳化中夏帥趙保忠上言其弟繼遷誘戎人爲寇且求援師詔守素率兵復屯夏州未幾又徙石州以老病上疏求歸本郡從之三年卒年

七十一守素逮事四朝縣歷內職五十餘年性謹慎寬仁容衆所至有治績凡斷大辟獄雖罪狀明白仍徧詢寮案僉同而後決屬吏有過不面折必因公宴援往事之相類者言其獲咎以微警之新進後生多至節帥而守素久次不遷殊無隕穫意

時論以此多之

宋史本傳

榮諲字仲思濟州任城人父宗範知信州鉛山縣詔罷縣募民采銅民散爲盜宗範請復如故眞宗嘉異擢提點江浙諸路銀銅坑冶歷官九年諲舉進士至鹽鐵判官晉州產礬京城大豪歲輸錢五

萬縉顯其利諍請權於官自是數入四倍爲廣東轉運使廣有板步古河路絕險林箐瘴毒諍開貞陽峽至洸口古徑作棧道七十間抵清遠趨廣州遂爲夷塗復入爲開封府判官太康民事浮屠相聚祈禳號白衣會縣捕數十人送府尹賈黯疑有妖請殺其爲首者而流其餘諍持不從各具議上之中書是諍議但流其首而杖餘人加直史館知澶州改京東轉運使萊陽產銀砂民有私採者事露安撫使欲論以劫盜諍曰山澤之利人得有之所盜者豈民財耶貸免甚衆又使成都府路召爲

戶部副使以集賢殿修撰知洪州以疾故徙舒州

未至而卒累官秘書監年六十五

宋史本傳

楊緯字文叔先世家城武曾祖超五代未藏匿不仕祖善基以經術教授鄉里徙任城善基三子曰昇緯父也曰早尚書比部郎中曰景尚書駕部郎中皆明經擢第有能聲緯少愿敏事親孝儀狀端重長七尺忠信豈弟好學而愛人遇鄉人無少長必以敬而鄉人亦皆親愛之皇祐五年明經中第嘗爲太原府司理叅軍活縣所上盜在死罪者三人其黨應死者猶感泣語家人曰楊叅軍遇我盡

善今日且死尚當爲楊參軍求佛追福我死不寃矣
徙鳳州梁泉令教民以孝弟力田爲先守史千之
不知其能嘗薦其錄事參軍張革等數人革呼同
列詣千之言梁泉循吏而公不薦革等以爲愧千
之踧踖曰吾過矣吾過矣因并薦之遷沂州防禦
判官歲大饑盜蠶起守霍交屬緯督捕四縣盜吏
爭以殺盜求賞多至數百人緯獨哀之開喻首減
所全者衆狂人李逢聚亡命淘金境上有異謀郡
疑不時發而逢敗誅緯亦坐廢二十年優游守道
化行其家河決曹村灌七郡鉅野大溢會秋穀大

登場事未畢民有舟者爭救穀老幼多死緯盡棄
其田中積不載而以其二舟身救人於津口所活
日數百人後民相見者皆曰楊府君生我元祐二
年爲廣州觀察推官卒於官年六十有二子三涓
滌渙皆進士其沒後數年嘗有羣盜白晝行剽輒
呼相戒毋犯楊府君家過其門猶俛而趨焉

據晁補之

雞肋集楊緯墓志

楊節之名某父早以明經起家歷畿令州守有古
循吏風母向氏封福昌縣太君節之以外祖龍圖
閣直學士傅式恩任郊社齋郎生警悟異甚年十

六舉進士以高等薦卽知名初調密州諸城主簿再舉進士又首薦不第遂盡屏其少所學益治經考古去華而居實矣諸城劇邑令以病不勝事去節之承令乏吏少之節之晦圭角調眊不遽吏稍縱因微得其宿姦狀盡置諸理一邑大駭時趙抃方安撫青州亟言其才於朝又以吏事稱再調開封府襄邑縣尉初教保甲不擾而辦歲終以其伍見庭下旂旗弓矢甚整坐作甚習神宗喜又嘗有獲盜功應并賞卽擢大理評事喻執政與畿內大邑以觀其能而用他事忤當塗得知真州六合縣

又左遷監荆南府酒稅轉運使趙鼎提點刑獄事周尹爭薦辟各欲爲已辦事者移監鄂州都作院改承事郎守朱壽昌數移疾輒以郡政屬之而幕府熟節之名亦不以爲嫌也丁母憂免喪知廬州慎縣江南俗喜訟而慎多豪右率以財凌其里人而屈之少忤則使其黨毆藉或擿其陰事於官無不至節之發其尤無良者一人以徇訖其去無復以此至庭者有吏犯賅覺法輕節之繩之急吏反賄民往誣節之以事於戶部節之爲不知者而民辭窮自歸節之諭以誠釋之巡檢王軫嬖其親卒

而御其下慘衆洶洶欲爲亂軫懼求解其官去節之曰我在君無恐卽召軫所嬖懲之而喻安其衆衆不敢動軫用以全父老謂自皇祐逮元豐四十年纔兩令前李處厚後楊君也再知鄆州陽穀縣政如愼而滋有聲民以小忿夜與奴殺田客獄未竟會節之慙出其人賂吏求去奴絕口因以奴病聞節之已知之衛奴甚謹計不得逞卒伏辜有殺其鄰之子者尉視之類刀傷而得斧尸旁不可詰節之獨陰使人探其簞得刀而藏之因語因悉上汝家刀囚數其狀悉而諱簞中者乃出刀示之曰

此誰物也而不數卽叩頭請死轉運使范鏐每行部至境卽反其旆曰此故愼縣才令必游刃有餘也京東多盜而陽穀接河朔節之勸民以衣食之本盜爲衰囹圄屢空吏無所措其手相與謠曰吾邑有難遇事十今令自爲令一也蓋歷數其能皆聞見所無者吏雖初不便旣束法人人幸無過久反白慶以爲令保我至此元祐八年擢通判河中府未行一日會共昆弟族人飲甚歡將休忽坐帷後瞑不語家人就呼之逝矣年五十一二子若鄉

貢進士革少卒

全上

李邴字漢老濟州任城人中崇寧五年進士第累官爲起居舍人試中書舍人北方用兵酬功第賞曰數十百邴辭命無留難除給事中同修國史兼直學士院遷翰林學士嘗與禁中曲宴徽宗命賦詩高麗使人貢邴爲館伴徽宗遣中使持示使者請傳錄以歸未幾坐言者罷提舉南京鴻慶宮欽宗卽位除徽猷閣待制知越州久之再落職提舉西京嵩山崇福宮高宗卽位復徽猷閣待制踰歲召爲兵部侍郎兼直學士院苗傅劉正彥迫上遜位上顧邴草詔邴請得御札而後敢作朱勝非請

降詔赦邴就都堂草之除翰林初邴見苗傅面諭以逆順禍福之理且密勸殿帥王元俾以禁旅擊賊唯唯不能用卽詣政事堂白朱勝非適正彥及其黨王世修在焉又以大義責之人爲之危邴不顧也時御史丞鄭穀又抗疏言睿聖皇帝不當改號於是邴穀爲端明殿學士同僉書樞密院事邴與張守分草百官奏章三奏三答及太后手詔與復辟赦文一日而具四月拜尚書右丞未幾改叅知政事上巡江寧太后六宮往豫章命邴爲資政殿學士權知行臺三省樞密院事以與呂頤浩論

不合乞罷遂以本職捉舉杭州洞霄宮未閱月起
知平江府會兄鄴失守越州坐累落職明年卽引
赦復之又升資政殿學士紹興五年詔問宰執方
畧邴條上戰陣守備措畫綏懷各五事戰陣之利
五曰出輕兵務遠畧儲將師責成功重賞格大畧
謂關陝爲進取之地淮南爲保固之地關陝雖利
於進取然不用師於京東以牽制其勢則彼得一
力以拒我今大將統兵者數人皆所恃以爲根本
萬一失利將不可復用偏裨中如牛臯王進楊珪
史康明皆京東土人知地險易可各配以部曲三

五千人或出淮陽或出徐泗彼將奔命之不暇此
不動而分陝西重兵之一端也關陝今雖有二宣
撫其體尙輕非遣大臣不可呂頤浩氣節高亮李
綱識量宏遠威名素著願擇其一而用之必有以
報陛下又言陛下卽位之初韓世忠劉光世張俊
威名隱然爲大將今又有吳玠岳飛者出矣願詔
大將于所部舉智謀忠勇可以馭衆統師各兩三
人朝廷籍記遇有事宜使當一隊毋隸大將則諸
人競奮才智皆飛玠之儔矣大將爵位已崇難相
統一自今用兵第可授以成算使自爲戰而已愼

勿遣重臣臨之以輕其權而分其功今却敵退師之後必論功行賞願因此詔有司預定賞格謂如得城邑及近上首領之類自一命至節使皆差次便足相當所謂守備之宜有五曰固根本習舟師防他道講遺策列長戍大畧謂江浙爲今日根本欲保守則失進取之利欲進取則慮根本之傷古之名將內必屯田以自足外必因糧於敵誠能得以功名自任如祖逖者舉淮南而付之使自爲進取而不至虛內以事外臣聞朝廷下福建造海船七百隻必如期而辦乞從古制建伏波下瀨樓

船之官以教習水戰俾近上將佐領之自成一軍而專隸於朝廷無事則散之緣江州郡緩急則聚而用之臣度敵人他年入寇懲創今日之敗必先以一軍來自淮甸爲築室反耕之計以綴我師然後由登萊泛海窺吳越以出吾左由武昌渡江窺江池以出吾右一處不支則大事去矣願預講左支右吾之策夫兵之形無窮願詔臨江守臣凡可設奇以誤敵者如吳人疑城之類皆預爲措畫今長江之險綿數千里守備非一苟制得其要則用力少而見功多願差次其最緊處屯軍若干人一

將領之聽其郡守節制次緊稍緩處差降焉有事則以大將兼統之既久則諳熟風土緩急可用與旋發之師不侔矣所謂措畫之方有五曰親大閱補禁衛講軍制訂使事降勅榜大畧謂因秋冬之交關廣揚會諸將取士卒才藝絕特者而爵賞之建炎以來禁衛單寡乃藉五軍以爲重臣常寒心願擇忠實嚴重之將以爲殿帥稍補禁衛之闕使隱然自成一軍則其馭諸將也若臂之使指矣今諸郡廂禁冗占私役者大郡二三千人小郡亦數百人臣願講求除郡守兵將官自禁軍給事外餘

廉從衣糧使自儆人以役大抵省廂軍三分之二而以其衣糧之數盡募禁軍金人自用兵以來未嘗不以和好爲言此決不可恃然二聖在彼不可遂已姑以餘力行之耳臣謂宜專命一官如古所謂行人者或止左右司領之當遣使人舉成法而授之庶免臨時斟酌之勞而朝廷得以專意治兵矣劉豫僭叛理必滅之謂宜降勅榜明著豫僭逆之罪曉諭江北士民此亦兵家所謂伐謀伐交者所謂綏懷之畧有五曰宣德意先賑恤通關津遣材能務寬貸大畧謂山東大姓結爲山砦以自保

今雖累年勢必有者願募有心力之人

詔諭應淮北遺民來歸者令淮南給以行田

差船泮濟量地分人阻有官人先

次注授差遣無官而貧乏者令沿州郡以官舍

居之仍量給米三兩月其能自營為生乃止內

有才智可用之人隨宜任使勿但縻以爵秩而已

凡諸將行師入境敢抗拒者固在戮其有善良

老弱之人皆從寬貸使之有更生之望不報邴間

居十有七年薨於泉州年六十二諡文敏有草堂

集一百卷宋史本傳

濟寧直隸州志

卷二十三人物

三十六

張肅字穆之金鄉人宋太宗時御史有直聲歷官

尚書郎知蔡州詩文清麗有唐中葉才士之風王

黃州禹偁於流輩少許可獨畏肅以為不及有觸

鱗集若干皆御史時所上疏義也晁氏讀書志

滿中行字思復金鄉人登進士第元豐中為太學

官虞蕃獄起中行獨不結吏議詔褒之有昌邑集

二十卷讀書志

李温字德潤嘉祥人宋宣和時山東盜起温依軍

伍立約束保障一鄉遂就才武選獲上第累官濟

鄆二州都巡使摘發姦隱撫集善良民多德之兗州

府志

元

張蒙疑脫字完得濟寧人明宗天歷中令祁門歲饑

躬詣各都發廩分賑勸富民平糶招諭商旅米艘

踵至民賴以濟江南通志

蘇若思濟州人嘉祥教職至正元年任本縣主簿

事上不諛愛民如子文章政事俱有可稱凡修建

紀述多出其手見嘉祥志

羅曾魯橋人少以石鼓賦中至正癸卯鄉舉以古

劍賦登甲辰進士授儲司院山長教授孔顏孟三

濟寧直隸州志

卷二十三 人物

三十七

氏子孫元末避兵宿遷遂家焉入明累辟不起時

稱為東魯先生後子溥中宣德丙午鄉試孫鵬登

成化丙戌進士鄭與僑淮遊偶記

馬紹字子卿濟州金鄉人世祖時歷兪山東東西

道按察司事益都寧海饑紹發粟賑之累官參知

政事提舉杜蕃言至元鈔公私不便平章桑哥欲

重罪之紹曰國家導人使言今重罪之不與詔書

違戾乎璠得免及桑哥敗疏其所嘗行賂者索籍

閱之獨無紹名帝以為忠潔遷中書右丞行江淞

省事縣志下全

孫青金鄉之樂城村人金季河北亂離青年方弱
冠應壯士募充舉萬戶職屯於彭城以戰功加宣
武將軍年既長識金必亡棄職歸里迄元兵南下
邑無主率領本鄉軍民壯士千餘及老幼數千口
歸附分治東平路總管石相授青兗州同知節度
使兼金鄉尹續攻徐州功加定遠大將軍永任金
鄉尹招流亡墾荒萊撫治得術軍民畏愛之戶口
添增數千餘雞犬桑麻儼成富庶攝篆二十餘載
謝任閒居又改充本縣諸軍奧魯千戶職仍食尹
俸

段廷珍父証喬寓嘉祥廷珍於至順二年爲吳江
州州判決事如流愛民如子入名宦弟廷瑞徽州
萬戶府知事季弟廷珪

參嘉祥吳江二縣志

段廷珪字君璋皇慶二年爲鎮江總管首戢強猾
禁誣訐奏免新增夏稅鈔二百八十七定秋糧米

三萬七千有奇入名宦

江南通志

按廷珪江南通志以爲濟州人蓋舉路而言
又珪父証曾贈濟寧路總管或廷珪曾寓於
濟州亦未可知

